

The Electronic *Manipulus florum*
www.manipulusflorum.com

Elemosina at
cum fontibus proximo et primo

Si fateris ea tibi diuinitus prouenisse,
scilicet temporalia bona,
an iniustus est Deus inaequaliter res nobis distribuens,
cur tu habundas et ille mendicat,
nisi ut tu bone compensacionis merita consequaris,
ille uero paciencie brauiis decoretur?

Panis est famelici quem tu tenes,
nudi tunica quam in conclavi conseruas,
discalciati calceus qui penes te marcescit,
indigentis argentum quod possides.
Quocirca tot iniuriaris quot subuenire ualeris.

Basilii omelia I.

Unde Basilius dicit:

Si fateris ea tibi diuinitus prouenisse
(scilicet temporalia bona),
an iniustus est Deus inaequaliter res nobis distribuens?
Cur tu abundas, ille uero mendicat,
nisi ut tu bonae dispensationis merita consequaris,
ille uero paciencie brauiis decoretur?

Est panis famelici quem tu tenes,
nudi tunica quam in conclavi conseruas,
discalciati calceus qui penes te marcescit,
indigentis argentum quod possides inhumatum.
Quocirca tot iniuriaris quot dare ualeris.

Thomas de Aquino, *Summa theologiae, Secunda
secundae*, 32.5 (P. Caramello ed., p.174).

Num iniustus Deus, qui nobis inaequaliter vitae necessaria distribuit?
Cur, diuite te, ille pauper est? An non utique,
ut et tu benignitatis ac fidelis dispensationis mercedem accipias,
et ille magnis pacienciae praemiis donetur?
Tu uero inexplebilibus avaritiae sinibus omnia complexus,
atque his tam multos privans,
nemini ullam injuriam facere te existimas? Quis avarus est?
Quis rebus quae satis sunt, contentus non est. Quis spoliator?
Qui cuiusque res aufert. Non avarus est tu? non spoliator es tu?
Qui scilicet quae dispensanda recepisti, ea tibi metipsum propria facias.
Furne vocabitur qui veste indutum denudat,
qui uero nudum non induerit, id si agere potest,
alia quadam appellatione dignus est?
Esurientis est panis, quem tu detines:
nudi est pallium, quod tu in arca seruas:
discalciati calceus, qui apud te putrescit:
indigentis argentum, quod defossum habes.
Quare quot hominibus dare potes, tot infers injuriam.

Basilii Magnus, *Homilia in illud dictum evangelii secundum Lucam*:
«*Destruam horrea mea*», 7 (PG 31, col.275C, 277A).